



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2188-43/25– JH/JH

Tuzla, 16.07.2026. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i preporuke Komisije za provođenje postupka ugovaranja pružanja deficitarnih usluga za 2026. godinu, te Zapisnika o otvaranju, pregledu i ocjeni ponuda dostavljenih u postupku nabavke deficitarnih usluga za 2026. godinu LOT 1 – Tretman kamenca u bubregu - PCNL broj: 03-11-1-2188-42/25 - JH/JH od 15.07.2026. godine, donosi se

O D L U K A
o izboru ponuđača
u postupku ugovaranja pružanja deficitarnih usluga za 2026. godinu –
LOT 1 - Tretman kamenca u bubregu - PCNL

I

Cijeneći preporuku postupajuće Komisije, u postupku ugovaranja pružanja deficitarnih usluga za 2026. godinu LOT 1 – Tretman kamenca u bubregu - PCNL, bira se ponuđač ZSU Poliklinika "Vitalis" Mostar.

II

Finansiranje će se vršiti na osnovu Modela 3 iz člana 12. stav (1) tačka c) Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godinu ("Službeni novine TK" broj: 17/25).

III

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona za zaključivanje ugovora i usvajanjem Odluke Upravnog odbora Zavoda zdravstvenog osiguranja TK o davanju saglasnosti na zaključivanje Okvirnog sporazuma, ovaj Ugovorni organ će sa izabranim ponuđačem zaključiti Okvirni sporazum o pružanju deficitarnih usluga za 2026. godinu – LOT 1 - PCNL.

IV

U skladu sa članom 70. stav (6) Zakona o javnim nabavkama, ova Odluka će biti objavljena na internet stranici Ugovornog organa istovremeno sa upućivanjem učesniku u predmetnom postupku.

V

Ova Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH" broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2026. godine („Službene novine TK“ broj: 17/25), člana 12. Statuta Zavoda zdravstvenog osiguranja Tuzlanskog kantona („Službene novine TK“ broj: 4/16) i Saglasnosti Ministarstva zdravstva TK broj: 13/1-33-011654/26 od 20.04.2026. godine, dana 03.07.2026. godine objavljen je Javni poziv za dostavu ponuda za dodjelu ugovora za pružanje deficitarnih usluga za 2026. godinu broj: 03-11-1-2188-41/25 – AA/JH.

Predmet nabavke za LOT 1 su deficitarne usluge - Tretman kamenca u bubregu – PCNL.

Ponudu za pružanje deficitarnih usluga za 2026. godinu – LOT 1 - Tretman kamenca u bubregu - PCNL do utvrđenog krajnjeg roka dostavio je ponuđač ZSU Poliklinika "Vitalis" Mostar.

Uvidom u navedenu ponudu utvrđeno je da su ponuđene cijene predmetne usluge/BO dana jednake maksimalnim cijenama utvrđenim Odlukom Upravnog odbora Zavoda kako slijedi:

- Tretman kamenca u bubregu – PCNL 3.600,00 KM

BO dan

- standardna njega 102,40 KM
- poluintenzivna njega 137,60 KM
- intenzivna njega 161,60 KM.

Ponuda navedenog ponuđača ocijenjena je kao prihvatljiva.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

U postupku je procijenjeno da je Komisija u svemu pravilno postupila, te da je izbor ponuđača izvršen u skladu sa Zakonom o javnim nabavkama, podzakonskim aktima i Javnim pozivom.

Cijeneći naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema.

Dostavljeno:

1. Ponuđaču (e-mail)
2. a/a



DIREKTOR

Doc.dr.sc. Denis Husić, dipl. pravnik